

木
山下

虫
魚
菜
穀
有
君
未
用

千金翼方
卷四

千金翼方卷第四

本草下

宋朝奉郎守太常少卿充秘閣校理林億等校正
明翰林院檢討國史纂修官王肯堂重校
內閣撰文中書舍人加四級金匱華希閎校刻

蟲魚部

果部

菜部

穀部

有名未用

蟲魚部

七十一味論一首

石蜜

蜜蠟

附白蠟

蜂子

黃蜂土蜂附

牡蠣

桑螵蛸

海蛤

文蛤

魁蛤

石決明

秦龜

龜甲

鯉魚膽

肉骨齒附

蠡魚

鮑魚

鮫魚

鰾魚

鯽魚

伏翼

天鼠屎

蝟皮

石龍子

露蜂房

樗雞

蚱蟬

白殭蠶

木蟲

蜚蟲

蜚蠊

蟻蟲

蟻螬

蛞蝓

蝸牛

水蛭

鼈甲

肉附

鮑魚甲

肉附

烏賊魚骨

肉附

蟹

爪附

原蠶蛾

屎附

鰻鱺魚

鮫魚皮

紫貝

蝦蟇

鼃

牡鼠

肉蜚附

蝻蛇膽

膏附

蝮蛇膽

肉附

鮫鯉甲

蜘蛛

蜻蛉

石蠶

蛇蛻

蛇黃

蜈蚣

馬陸

蠐螬

雀甕

鼠婦

螢火

衣魚

白頸蚯蚓

螻蛄

蠃娘

斑猫

芫青

葛上亭長

地膽

馬刀

貝子

田中螺汁

甲香

珂

石蜜味甘平微溫無毒主心腹邪氣諸驚癇瘕安五藏諸不足益氣補中止痛解毒除衆病和白藥養脾

氣除心煩食飲不下止腸澼肌中疼痛口瘡明耳目
久服強志輕身不饑不老延年神仙一名石飴生武
都山谷河源山谷及諸山石中色白如膏者良
蜜臘味甘微溫無毒主下痢膿血補中續絕傷金瘡
益氣不饑耐老

白臘療久洩澼後重見白膿補絕傷利小兒久服輕
身不饑生武都山谷生於蜜房木石間

蜂子味甘平微寒無毒主風頭除蠱毒羸虛羸傷中
心腹痛大人小兒腹中五蟲口吐出者面目黃久服
令人光澤好顏色不老輕身益氣

大黃蜂子主心腹脹滿痛乾嘔輕身益氣

土蜂子主癰腫噎痛一名蜚蠊生武都山谷

牡蠣味鹹平微寒無毒主傷寒寒熱溫瘧灑灑驚悸
怒氣除拘緩鼠癭女子帶下赤白除留熱在關節榮
衛虛熱去來不定煩滿止汗心痛氣結止渴除老血
澀大小腸止大小便療洩精喉痺欬心脅下痞熱
久服強骨節殺邪鬼延年一名蠣蛤一名牡蛤生東
海池澤採無時

桑螵蛸味鹹甘平無毒主傷中疝瘕陰痿益精生子
女子血閉腰痛通五淋利小便水道又療男子虛損

五藏氣微夢寐失精遺溺久服益氣養神一名蝕朒
生桑枝上螳螂子也二月三月採蒸之當火炙不爾
令人洩

海蛤味苦鹹平無毒主欬逆上氣喘息煩滿胸痛寒
熱療陰痿一名魁蛤生東海

文蛤味鹹平無毒主惡瘡蝕五痔欬逆胸痺腰痛脇
急鼠瘦大孔出血崩中漏下生東海表有文取無時
魁蛤味甘平無毒主痿痺洩痢便膿血一名魁陸一
名活東生東海正圓兩頭空表有文取無時

石決明味鹹平無毒主目障腎痛青盲久服益精輕

身生南海

秦龜味苦無毒主除濕痺氣身重四肢關節不可動
搖生山之陰土中二月八月取

龜甲味鹹甘平有毒主漏下赤白破癥瘕瘵瘡五痔
陰蝕濕痺四肢重弱小兒顙不合頭瘡難燥女子陰
瘡及驚恚氣心腹痛不可久立骨中寒熱傷寒勞復
或肌體寒熱欲死以作湯良久服輕身不饑益氣資
智亦使人能食一名神屋生南海池澤及湖水中採
無時勿令中濕中濕卽有毒

鯉魚膽味苦寒無毒主目熱赤痛青盲明目久服強

悍益志氣○肉味甘主欬逆上氣黃疸止渴生者主
水腫脚滿下氣○骨主女子帶下赤白○齒主石淋
生九江池澤取無時

蠡魚味甘寒無毒主濕痺面目浮腫下大水療五痔
有瘡者不可食令人癢白一名鮑魚生九江池澤取
無時

鮑魚味辛臭溫無毒主墜墮骹蹇腕折瘀血血痺在
四肢不散者女子崩中血不止勿令中鹹

鯪魚味甘無毒主百病

鰾魚味甘大溫無毒主補中益血療潘脣五月五日

取頭骨燒之止痢

鯽魚主諸瘡燒以醬汁和塗之或取猪脂煎用又主
腸癰頭灰主小兒頭瘡口瘡重舌目腎一名鮒魚合
蓴作羹主胃弱不下食作鱠主久赤白痢

伏翼味鹹平無毒主目瞋癢痛療淋利水道明目夜
視有精光久服令人喜樂媚好無憂一名蝙蝠生太
山川谷及人家屋間立夏後採陰乾

天鼠屎味辛寒無毒主面癰腫皮膚洗洗時痛腹中
血氣破寒熱積聚除驚悸去面黑肝一名鼠法一名
石肝生合浦山谷十月十二月取

蝟皮味苦平無毒主五痔陰蝕下血赤白五色血汁
不止陰腫痛引腰背酒煮殺之又療腹痛疝積亦燒
爲灰酒服之生楚山川谷田野取無時勿使中濕
石龍子味鹹寒有小毒主五癰邪結氣破石淋下血
利小便水道一名蜥蜴一名山龍子一名守官一名
石蜴生平陽川谷及荆山山石間五月取著石上令
乾

露蜂房味苦鹹平有毒主驚癇瘈瘲寒熱邪氣癰疾
鬼精蠱毒腸痔火熬之良又療蜂毒毒腫一名蜂腸
一名百穿一名蜂勛生牂牁山谷七月七日採陰乾

樗雞味苦平有小毒主心腹邪氣陰痿益精強志生子好色補中輕身又療腰痛下氣強陰多精不可近目生河內川谷樗樹上七月採暴乾

蚱蟬味鹹甘寒無毒主小兒驚癇夜啼癰病寒熱驚悸婦人乳難胞衣不出又墮胎生楊柳上五月採蒸乾之勿令蠹

白殭蠶味鹹辛平無毒主小兒驚癇夜啼去三蟲滅黑黴令人面色好男子陰瘍病女子崩中赤白產後餘痛滅諸瘡癰痕生賴川平澤四月取自死者勿令中濕中濕有毒不可用

木蠱味苦平有毒主目赤痛背傷淚出瘀血血閉寒熱酸慚無子一名冤常生漢中川澤五月取

蜚蠊味苦微寒有毒主逐瘀血破下血積堅痞癥瘕寒熱通利血脉及九竅女子月水不通積聚除賊血在膏腹五藏者及喉痺結塞生江夏川谷五月取腹有血者良

蜚蠊味鹹寒有毒主血瘀癥堅寒熱破積聚喉咽閉內寒無子通利血脉生晉陽川澤及人家屋間立秋採

蟻蟲味鹹寒有毒主心腹寒熱洗洗血積癥瘕破堅

下血閉生子大良一名地鼈一名土鼈生河東川澤
及沙中人家墻壁下土中濕處十月取暴乾

蟻螯味鹹微溫微寒有毒主惡血血瘀痺氣破折血
在脇下堅滿痛月閉目中淫膚青腎白膜療吐血在
胸腹不去及破骨踈折血結金瘡內塞產後中寒下
乳汁一名蟻螯一名蟹齊一名勃齊生河內平澤及
人家積糞草中取無時反行者良

蛞蝓味鹹寒無毒主僻風喎僻軼筋及脫肛驚癇攣
縮一名陵蠡一名土蝸一名附蝸生太山池澤及陰
地沙石垣下八月取

蝸牛味鹹寒主賊風啗僻踈跌大腸下脫肛筋急及驚癇

水蛭味鹹苦平微寒有毒主逐惡血瘀血月閉破血痕積聚無子利水道又墮胎一名蛟一名至掌生雷澤池澤五月六月採暴乾

鼈甲味鹹平無毒主心腹癥瘕堅積寒熱去痞息肉陰蝕痔惡肉療溫瘡血痕腰痛小兒脇下堅○肉味甘主傷中益氣補不足生丹陽池澤取無時

鮐魚甲味辛微溫有毒主心腹癥瘕伏堅積聚寒熱女子崩中下血五色小腹陰中相引痛瘡疥死肌五

邪涕泣時驚腰中重痛小兒氣癰背潰○肉主少氣
吸吸足不立地生南海池澤取無時

烏賊魚骨味鹹微溫無毒主女子漏下赤白經汁血
閉陰蝕腫痛寒熱癥瘕無子驚氣入腹腹痛環臍陰
中寒腫令人有子又止瘡多濃汁不燥○肉味酸平
主益氣強志生東海池澤取無時

蟹味鹹寒有毒主膏中邪氣熱結痛啗僻面腫敗漆
燒之致鼠解結散血愈漆瘡養筋益氣○爪主破胞
墮胎生伊洛池澤諸水中取無時

原蠶蛾雄者有小毒主益精氣強陰道交接不倦亦

止精○尿溫無毒主腸鳴熱中消渴風痺癰疹

鰻鱺魚味甘有毒主五痔瘡癰殺諸蟲

鮫魚皮主蠱氣蠱疰方用之卽裝刀靶鰭魚皮也

紫貝主明目去熱毒

蝦蟇味辛寒有毒主邪氣破癥堅血癰腫陰瘡服之
不患熱病療陰蝕疽癰惡瘡獐犬傷瘡能合玉石一
名蟾蜍一名去鰓一名去甫一名苦蠶生江湖池澤
五月五日取陰乾東行者良

鼃味甘寒無毒主小兒赤氣肌瘡臍傷止痛氣不足
一名長股生水中取無時